

SKUPŠTINA KANTONA SARAJEVO

**ZAPISNIK SA
15. RADNE SJEDNICE SKUPŠTINE KANTONA SARAJEVO,
ODRŽANE 30.05.2016. GODINE SA POČETKOM RADA U 10,00 SATI**

Sarajevo, MAJ 2016.

Sjednici su prisustvovali poslanici/zastupnici:

STRANKA DEMOKRATSKE AKCIJE

1. Ademović Kemal
2. Čelik Mirza
3. Čomor Eldar
4. Delalić Sabahudin
5. Dovadžija Amar
6. Kozadra Muhamed
7. Mašović Amor
8. Mešanović Safet
9. Okerić Elmedin
10. Prevljak Fikret

DEMOKRATSKA FRONTA – ŽELJKO KOMŠIĆ

1. Akšamija Goran
2. Avdibegović Neira
3. Bukva Sejo
4. Kerla Bibija
5. Mehmedagić Mersiha
6. Pindžo Mirsad
7. Vukasović Mario

SAVEZ ZA BOLJU BUDUĆNOST – FAHRUDIN RADONČIĆ

1. Babić Ana
2. Bajrović Izudin
3. Filipović Selma
4. Lakota Rasim
5. Marić Zvonko
6. Rađo Dževad

SOCIJALDEMOKRATSKA PARTIJA BOSNE I HERCEGOVINE

1. Srna Bajramović Srna

NAŠA STRANKA

1. Ćudić Sabina
2. Forto Edin
3. Kojović Predrag

BOSANSKA STRANKA – MIRNES AJANOVIĆ

1. Pleho Haris
2. Rasim Smajić

BOSANSKOHERCEGOVAČKA PATRIOTSKA STRANKA – SEFER HALILOVIĆ

1. Halilović Semir

SAMOSTALNI POSLANICI/ZASTUPNICI

1. Bjelak Nermin

2. Aljović Hamed
3. Mekić Amel

TOK SJEDNICE

15. Radnu sjednicu Skupštine Kantona Sarajevo otvorila je predsjedateljica Ana Babić dana 30. maja 2016.godine u 10,00 sati.

Prema evidenciji Službe sjednici je na otvaranju prisustvovalo 28 zastupnika, što je dovoljan broj za punovažan rad i odlučivanje, a svoj izostanak pravdali su zastupnici: Bibija Kerla i Slaviša Šućur, dok su kašnjenje najavili zastupnici: Kozadra Muhamed, Mešanović Safet i Mašović Amor.

UTVRĐIVANJE DNEVNOG REDA

Prijedlog dnevnog reda 15. radne sjednice skupštine Kantona Sarajevo utvrdio je Kolegij koji je održan dana 16.05.2016. godine.

Na osnovu člana 73. Poslovnika Skupštine Kantona Sarajevo, Kolegij je prihvatio da se Prijedlog dnevnog reda 15. radne sjednice dopuni sa sljedećim tačkama:

1. a) Prijedlog odluke o prihvatanju ostavke i razrješenju dužnosti ministra Ministarstva unutrašnjih poslova Kantona Sarajevo; (razmatraće se kao tačka 5a.)
b) Prijedlog odluke o potvrđivanju imenovanja ministra Ministarstva unutrašnjih poslova Kantona Sarajevo; (razmatraće se kao tačka 5b.)
2. Prijedlog odluke o izmjeni odluke o imenovanju Nezavisnog odbora za izbor i reviziju policijskog komesara; (razmatraće se kao tačka 6.)
3. a) Prijedlog odluke o razrješenju predsjednika i članova Nadzornog odbora Kantonalne agencije za privatizaciju Sarajevo; (razmatraće se kao tačka 7a.)
4. b) Prijedlog odluke o imenovanju predsjednika i članova Nadzornog odbora Kantonalne agencije za privatizaciju Sarajevo; (razmatraće se kao tačka 7b.)
5. Prijedlog odluke o imenovanju zamjenika pravobranioca Pravobranilaštva Kantona Sarajevo. (razmatraće se kao tačka 8.)
6. Prijedlozi odluka o potvrđivanju razrješenja vršilaca dužnosti predsjednika i članova Skupština Kantonalnih javnih komunalnih preduzeća:
 - a) „Park“ d.o.o. Sarajevo;
 - b) „Pokop“ d.o.o. Sarajevo;
 - c) „Rad“ d.o.o. Sarajevo;
 - d) „Sarajevogas“ d.o.o. Sarajevo;
 - e) „Toplane - Sarajevo“ d.o.o. Sarajevo;
 - f) „Tržnice - pijace“ d.o.o. Sarajevo;
 - g) „Vodovod i kanalizacija“ d.o.o. Sarajevo; (razmatraće se kao tačka 9.)
7. Prijedlozi odluka o potvrđivanju imenovanja predsjednika i članova Skupština Kantonalnih javnih komunalnih preduzeća:
 - a) „Park“ d.o.o. Sarajevo;
 - b) „Pokop“ d.o.o. Sarajevo;
 - c) „Rad“ d.o.o. Sarajevo;
 - d) „Sarajevogas“ d.o.o. Sarajevo;

- e) „Toplane - Sarajevo“ d.o.o. Sarajevo;
- f) „Tržnice - pijace“ d.o.o. Sarajevo;
- g) „Vodovod i kanalizacija“ d.o.o. Sarajevo (razmatraće se kao tačka 10.)

SKUPŠTINA JE ZA 15. RADNU SJEDNICU SKUPŠTINE KANTONA SARAJEVO VEĆINOM GLASOVA (27 „ZA“) USVOJILA SLJEDEĆI DNEVNI RED:

1. Poslanička/zastupnička pitanja, inicijative i odgovori;
2. Prijedlog zakona o zaštiti od buke;
3. Prijedlog zakona o naučnoistraživačkoj djelatnosti;
4. Nacrt zakona o arhivskoj djelatnosti;
5. a) Prijedlog odluke o prihvatanju ostavke i razrješenju dužnosti ministra Ministarstva unutarnjih poslova Kantona Sarajevo;
b) Prijedlog odluke o potvrđivanju imenovanja ministra Ministarstva unutarnjih poslova Kantona Sarajevo;
6. Prijedlog odluke o izmjeni odluke o imenovanju Nezavisnog odbora za izbor i reviziju policijskog komesara;
7. a) Prijedlog odluke o razrješenju predsjednika i članova Nadzornog odbora Kantonalne agencije za privatizaciju Sarajevo;
b) Prijedlog odluke o imenovanju predsjednika i članova Nadzornog odbora Kantonalne agencije za privatizaciju Sarajevo;
8. Prijedlog odluke o imenovanju zamjenika pravobranioca Pravobranilaštva Kantona Sarajevo;
9. Prijedlozi odluka o potvrđivanju razrješenja vršilaca dužnosti predsjednika i članova Skupština Kantonalnih javnih komunalnih preduzeća:
 - a) „Park“ d.o.o. Sarajevo;
 - b) „Pokop“ d.o.o. Sarajevo;
 - c) „Rad“ d.o.o. Sarajevo;
 - d) „Sarajevogas“ d.o.o. Sarajevo;
 - e) „Toplane - Sarajevo“ d.o.o. Sarajevo;
 - f) „Tržnice - pijace“ d.o.o. Sarajevo;
 - g) „Vodovod i kanalizacija“ d.o.o. Sarajevo;
10. Prijedlozi odluka o potvrđivanju imenovanja predsjednika i članova Skupština Kantonalnih javnih komunalnih preduzeća:
 - a) „Park“ d.o.o. Sarajevo;
 - b) „Pokop“ d.o.o. Sarajevo;
 - c) „Rad“ d.o.o. Sarajevo;
 - d) „Sarajevogas“ d.o.o. Sarajevo;
 - e) „Toplane - Sarajevo“ d.o.o. Sarajevo;
 - f) „Tržnice - pijace“ d.o.o. Sarajevo;
 - g) „Vodovod i kanalizacija“ d.o.o. Sarajevo;
11. Prijedlog odluke o davanju saglasnosti na Odluku Vlade Kantona Sarajevo broj: 02-05-15003-9.2/16 od 11.05.2016.godine o kategoriji lica, uslovima i kriterijima za rješavanje stambenog pitanja putem kupovine stana pod povoljnijim uslovima;
12. Prijedlog odluke o zaštiti i poboljšanju kvaliteta zraka u Kantonu Sarajevo;
13. Prijedlog odluke o izmjenama i dopuni Odluke o obaveznoj preventivnoj sistematskoj deratizaciji na području Kantona Sarajevo;
14. Prijedlog odluke o davanju saglasnosti na Poslovnik o radu Nezavisnog odbora;

15. Izvještaj o radu Nezavisnog odbora za izbor i reviziju policijskog komesara za 2015. godinu;
16. Izvještaj o radu Vlade Kantona Sarajevo za period od 01.01. do 31.12.2015. godine;
17. Izvještaj o radu Pravobranilaštva Kantona Sarajevo za 2015. godinu sa mišljenjem Ministarstva pravde i uprave na Izvještaj o radu Pravobranilaštva Kantona Sarajevo za 2015. godinu;
18. Izvještaj o radu Fonda Kantona Sarajevo za stipendiranje i školovanje djece boraca, poginulih boraca i poginulih civila - žrtava rata „IKRE“ sa izvještajem o finansijskom poslovanju za 2015. godinu;
19. Izvještaj o radu sa finansijskim izvještajem, na koje je prethodno dato mišljenje ovlaštenog revizora, Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilisane borce i prognane osobe za 2015. godinu;
20. Izvještaj o radu i finansijskom poslovanju, na koje je prethodno dato mišljenje ovlaštenog revizora, Kantonalnog stambenog fonda Sarajevo za 2015. godinu;
21. Izvještaj o radu i finansijskom poslovanju Kantonalne javne ustanove za zaštićena prirodna područja za 2015. godinu sa priložima, te Odlukom Upravnog odbora o usvajanju Izvještaja;
22. Izvještaji o poslovanju za 2015. godinu;
 - a) KJU „Gerontološki centar“ za 2015. godinu (Izvještaj o radu sa Izvještajem o finansijskom poslovanju za 2015. godinu) sa priložima i prijedlogom Zaključka;
 - b) JU Terapijska zajednica - Kampus Kantona Sarajevo za 2015. godinu (Izvještaj o radu sa Izvještajem o finansijskom poslovanju za 2015. godinu) sa priložima;
 - c) KJU Dom za djecu bez roditeljskog staranja za 2015. godinu (Izvještaj o radu sa Izvještajem o finansijskom poslovanju za 2015. godinu) sa priložima;
 - d) KJU „Dom za socijalno zdravstveno zbrinjavanje osoba sa invaliditetom i drugih osoba“ za 2015. godinu (Izvještaj o radu sa Izvještajem o finansijskom poslovanju za 2015. godinu) sa priložima;
 - e) KJU „Porodično savjetovalište“ za 2015. godinu (Izvještaj o radu sa Izvještajem o finansijskom poslovanju za 2015. godinu) sa priložima;
 - f) JU "Kantonalni centar za socijalni rad" za 2015. godinu (Izvještaj o radu sa Izvještajem o finansijskom poslovanju za 2015. godinu) sa priložima;
 - g) KJU „Disciplinski centar za maloljetnike“ za 2015. godinu (Izvještaj o radu sa Izvještajem o finansijskom poslovanju za 2015. godinu) sa priložima;

Predsjedateljica je navela da je zastupnicima dostavljen sljedeći informativni materijal:

- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec mart 2016. godine.
- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za period januar-mart 2016. godine;
- Izvještaj o provođenju Zakona o novčanim podsticajima u poljoprivredi na području Kantona Sarajevo u 2015. godini;

U 10,31 sati se prešlo na realizaciju prve tačke dnevnog reda.

AD – 1.

POSLANIČKA/ ZASTUPNIČKA PITANJA I INICIJATIVE

Predsjedateljica je pozvala zastupnike da podnesu svoja zastupnička pitanja i inicijative.

Zastupnik Goran Akšamija je podnio jednu zastupničku inicijativu:

„Moje zastupničko pitanje više predstavlja jednu inicijativu upućenu prema Ministarstvu zdravlja, odnosno prema Zavodu zdravstvenog osiguranja Kantona Sarajevo. Poznato je da se u fizičkoj praksi već preko tri decenije upotrebljavaju hirurški da kažemo automatski šivaći tkz. stepleri koji su uvedeni u praksu u Kliničkom centru Univerziteta u Sarajevu od poslije ratnog perioda sve do danas. Rade se o prilično skupim za naše uvjete aparatima i koji Zavod zdravstvenog osiguranja Kantona Sarajevo priznavao u iznosu najboljeg ponuđača odnosno ponude koja je tada bila u Kliničkom centru Univerziteta u Sarajevu, a sa uvođenjem nove firme, odnosno je li putem javnih nabavki u Klinički centar Univerziteta u Sarajevu ušli su ovi šivaći koji su bili po svojoj cijeni preko dva puta skuplji. U jednom momentu, negdje prije 2 godine donesena je odluka da za ovu aparaturu plaćaju i troškove snose sami pacijenti što u današnjim uvjetima je dosta neprihvatljivo, a pogotovo sa aspekta što se radi o terciarnom nivou zdravstvene zaštite i prvenstveno u liječenju malignih oboljenja gdje ovi šivaći omogućuju daleko veći stepen u pouzdanosti operativnog zahvata, a time i ishoda liječenja pacijenata sa ovim oboljenjima. Pokrećem inicijativu da Ministarstvo zdravlja uputi zahtjev Zavodu za zdravstvo Kantona Sarajevo i da se nešto riješi po ovome pitanju jer pacijenti se stvarno nalaze u teškoj situaciji kada prilikom preuzimanja otpusnice dobijaju račun koji može da iznosi dodatne dvije do tri hiljade maraka“.

Zastupnik Hamed Aljović je postavio da zastupnička pitanja :

„Moje prvo pitanje upućeno je prema Agenciji za državnu službu FBIH. Molim Agenciju za državnu službu FBIH da mi dostavi spisak svih osoba koji se nalaze na listi eksperata za izbor rukovodećih kao i ostale državne službenike za nivo Kantona Sarajevo, spisak eksperata koji su učestvovali u realizaciji javnih konkursa za nivo Kantona Sarajevo u periodu od 16.01.2015. do danas. Obrazloženje: radi uklanjanja nejasnoća kod nekih građana Kantona Sarajevo da se pojedine osobe na listi eksperata imenuju u konkursne komisije, a drugi rijetko ili nikada postavljam ovo poslaničko pitanje.

Moje drugo pitanje upućeno je prema Tužilaštvu Kantona Sarajevo. Molim tužiteljicu da mi odgovori u kojoj fazi je moja prijava o djelovanju ne registrovanog Samostalnog sindikata o osnovnom odgoju i obrazovanju FBIH kantonalni odbor Kantona Sarajevo upućena 16.03.2016. godine. Napominjem da je Vlada FBIH na osnovu člana 260. stav (3). obavezala se sa članom 261. Zakona upravnom postupku, Postupajući po službenoj dužnosti na 53. sjednici održanoj 13.05.2016. godine donijela je rješenje kojim se oglašava ništavnim rješenjem Federalnog ministarstva pravde. 29.01.2000. godine u upisu Registra udruženja Federacije Bosne i Hercegovine Samostalni sindikat daje odgovore Federaciji BiH“..

Zastupnik Neira Avdibegović je postavio jedno zastupničko pitanje i jednu inicijativu:

„Za danas imam jedno zastupničko pitanje i jednu zastupničku inicijativu. Moje zastupničko pitanje upućeno je Ministarstvu unutrašnjih poslova Kantona Sarajevo. Da li Ministarstvo unutrašnjih poslova planira konačno poduzeti aktivnosti po pitanju automobila koja su oduzeta ili zaplijenjena po različitim osnovama, a jednostavno propadaju i pretvaraju se u olupine. Samo na poligonu u Butmiru kod Sarajeva u travi je doslovno zaraslo preko 200 skupocjenih vozila koja su pripadnici MUP-a Kantona Sarajevo oduzeli pod različitim osnovama. Radi se o vozilima koja su predmet krivičnog postupka, prekršajnog postupka, predmet prekršajnog postupka iz oblasti carina te određeni broj vozila koja su učestvovala u saobraćajnim nezgodama. Ovo je dugogodišnji problem koji se evidentno ne rješava, dok bi ovi automobile nerijetko skupocjeni dobro došli brojnim službama zdravstvenim ustanovama, vatrogascima, ali institucije jednostavno za to nemaju sluha. Vozila trebaju iskoristiti, a ne pustiti da postanu auto otpad, dok istovremeno snosimo ogromne troškove čuvanja oduzetih

vozila. Moja zastupnička inicijativa, odnosi se na sljedeće. Naime, proteklih danas smo se još jednom sjetili sarajevskih Romea i Julije, Admiri Ismić i Boška Brkića, čije su živote na tadašnjem Vrbanja mostu u centru Sarajeva prekinula 4 snajperska hica. Od tada su prošle 23 godine, a u Sarajevu njihovom rodnom gradu ne postoji nikakvo obilježje ove tragične ljubavi koja je postala simbol rata u Sarajevu i cijeloj Bosni i Hercegovini. S obzirom da je gradonačelnik Sarajeva proteklih dana najavio podizanje spomenika Admiri i Bošku, ja osjećam obavezu da ovu inicijativu danas kandidujem Vladi Kantona Sarajevo u smislu pružanja podrške i učestvovanja u finansiranju izgradnje istog. Prihvatanjem ove inicijative šaljemo poruku i drugim nivoima vlasti da se uključe u sufinansiranje ovog projekta koji ima ogromnu simboliku. Podsjećanja radi tog 18.05.1993. godine u jeku agresije na našu zemlju odlučili su pobjeći iz opkoljenog grada. Prvi metak pogodio je Boška koji je odmah preminuo, potom je pogođena Admiri koja je smogla snagu da dopuže do Boška, zagrlila ga je posljednji put i izdahnula. Ta slika je obišla cijeli svijet i jedna je od najpotresnijih slika tokom agresije. Admiri i Boško su sahranjeni jedno pored drugog na Sarajevskom groblju Lav, a podizanjem spomenika trajno ćemo obilježiti njihovu ljubav kao simbol našeg grada, grada Sarajeva koji je stoljećima ustvari simbol različitih kultura, religija i nacija“.

Zastupnik Mirza Čelik je uputio dvije zastupničke inicijative:

„Ja imam dvije inicijative i obje su upućene Ministarstvu saobraćaja, a jedan je da se napravi elaborat opravdanosti za izgradnju tramvajske pruge od Ilidže do Hrasnice. Obrazloženje: na zahtjev građana općine Ilidže podnosimo ovakvu inicijativu jer bi se smanjili gužve na području Hrasnice, Sokolović kolonije i Butmira. Također želim da napomenem da je lokalna zajednica spremna da investira u ovoj projekat, te sam mišljenja da ova kapitalna investicija mora imati svoje mjesto u budžetu za 2017. godinu kako u Kantonu, tako i jedan dio u Budžetu Općine Ilidža. Druga inicijativa se također odnosi na Ministarstvo saobraćaja, odnosno na Vladu Kantona Sarajevo, pokrećem inicijativu da na sljedećoj sjednici Skupštine Kantona Sarajevo dostavi Prijedlog odluke o izmjenama i dopunama odluke o uređivanju javnog prijevoza, lica, zaprežnim vozilima, fijakerima, a na osnovu Zakona o cestovnom prijevozu Federacije Bosne i Hercegovine. Obrazloženje: na osnovu velikog broja pritužbi od strane građana Kantona Sarajevo pokrećem gore navedenu inicijativu kako bi se poboljšala turistička ponuda Kantona Sarajevo, a to nije danas nešto da bi se moglo isticati kao top ponuda. Naime, kroz čitavu veliku Aleju je prisutan smrad od konjskog izmeta, a to treba da se izmjeni u odluci da se koriste vreće koje bi se kačile za stražnji dio konja“.

Zastupnik Sabina Ćudić je postavila jedno zastupničko pitanje:

„Kao što su mnogi upoznati prije tačno 7 dana tragično je nastradao radnik koji je na Ilidži pao sa skele, a zatim 5 sati bivao transportovan od jedne do druge zdravstvene ustanove u Kantonu Sarajevo. Moje pitanje današnje upućujem Ministrici zdravstva u Kantonu Sarajevo, pitanje da li je upoznata sa pismom ljekarske komore koje 17.05.2016. upućeno prema zdravstvenim ustanovama u Kantonu Sarajevo, a na koje ljekarska komora dobila odgovor Kliničkog centra Univerziteta u Sarajevu, Zavoda za hitnu medicinsku pomoć u kom se dovodi u pitanje nadležnost ljekarske komore za postavljanje ovih pitanja. Između ostalog ljekarska komora implicira da ova vrsta tragičnih ishoda je moguća s obzirom da u trenutnom procesu takozvane reforme zdravstva nije jasno koja zdravstvena ustanova pruža koju vrstu medicinske pomoći. Iz tog razloga, s obzirom da ako je odgovor zvanični ustanova zdravstva u Kantonu Sarajevo da Ljekarska komora nije kompetentna da postavlja ova pitanja, mislim da jesmo mi u ovoj sali, te kao zastupnica postavljam to pitanje isto o nadležnostima zdravstvenih ustanova te da li je Ministrica bila upoznata sa pismom, da li je reagovala na ove

navode i ko će preuzeti odgovornost, odnosno da li se postavlja pitanje krivične odgovornosti za tragičnu smrt spomenutog radnika?“

Zastupnik Sabahudin Delalić je uputio dvije zastupničke inicijative koje je dostavio u pisanoj formi Službi za skupštinske poslove.

Zastupnik Selma Filipović je postavila jedno zastupničko pitanje:

„Ja imam samo jedno pitanje i zahtijevam odmah odgovor. Neformalnim putem, putem portala “Slobodne Bosne”, došla sam u posjed dokumenta br. 116-05-962616 od 25.05.2016. godine pod nazivom “Prijedlog zaključka Vladi Kantona Sarajevo” koji im je navodno ministrica Zilha Ademaj dostavila Prijedlog zaključka Vladi, kojim predlaže da se smjene članovi Upravnog odbora i rukovodstvo Kliničkog centra na čelu sa direktoricom Sebijom Izetbegović. Tražim odmah usmeni odgovor ministrice Zilhe Ademaj kako bi se poduzeli sljedeći koraci u tome da li je Ministarstvo predalo dokument Vladi Kantona Sarajevo i ako nije da nas eventualno upozna sa svojim saznanjima o ovom kompromitirajućem dokumentu. Također, od Ministra pravde i uprave, ministra gospodina Maria Nenadića tražim da informira ovu Skupštinu, koji je sljedeći korak kako bi se ovo pitanje riješilo“.

Zastupnik Edin Forto je postavio jedno zastupničko pitanje i jednu inicijativu:

„Ja imam jedno pitanje i jednu inicijativu, ali prije toga bih htio postaviti dva pitanja na koja mi nikad nije odgovoreno, a sada sam donio isprintane pa ću samo napomenuti odgovorne o čemu se radi. Prvo zastupničko pitanje je Ministarstvu prostornog uređenja, građenje i zaštite okoliša, radi se o zakonu takozvanom Zakonu o upraviteljima. To je ustvari Zakon o održavanju zajedničkih dijelova zgrade i upravljanje zgradom koji je donesen 2012. godine. Kao što znamo Zakon o stvarnim pravima Federalni zakon donesen 2013. godine čime je praktično stavljen van snage Zakon o upraviteljima u Kantonu Sarajevo. Molim Ministra da mi objasni zašto 4 mjeseca čekam na vrlo jednostavan odgovor, a to je: “Kada će biti pušten u proceduru novi Zakon o upraviteljima”? Mi imao veliki broj pritužbi građana na primjer iz nebodera iz Patriotske Lige, imamo pritužbe građana iz raznih zgrada, gdje se zloupotrebljavaju njihova prava, zadržava se njihov novac. Postoje tužbe u sudu u Sarajevu koje su više stotina hiljada maraka, a postoji i tužba gdje Ministarstvo pomenuto tužilo jednog od upravitelja. Bez obzira na sve ovo, mi nikako ne možemo saznati kada će se desiti taj čin da dobijemo Zakon u proceduru. I evo, pošto je meni Ministar već tri mjeseca govori kako mu skupštinska služba nije dostavila ovo pitanje protokolom, evo ja ću sada njemu to uručiti, pa da Ministar može dobiti ovaj napokon nakon 4 mjeseca. Mislim da je ovo način Ministre na koje se vi odnosite prema ovom pitanju je stvarno jedna farsa kao da se nalazimo u nekom Kafkinom romanu. 4 mjeseca s čovjekom razgovaram na hodniku, pitam ga kad će nešto biti, a on kaže nije mi skupštinska procedura ispostavljena, nije mi skupštinska služba dostavila ovo pitanje, isto kao da sam ga pitao, kao da radimo neki naučni rad, znači vrlo jednostavno pitanje, kada ćemo imati onaj zakon jer su ljudi obespravljeni. Molim da mi ovo ne ide u vrijeme koje koristim za postavljanje pitanja. Ista stvar je i sa načinom trošenja vodnih naknada, ovo neću ponovo čitati, ali ću opet pismeno dostaviti Ministarstvu privrede, na koji način su trošene vodene naknade u prethodnih 5 godina. E sada imam jedno zastupničko pitanje, tražim da Ministarstvo saobraćaja ispita i u konačnici vrata uzurpirani javni parking građanima ulice Azize Šaćirbegović. To se odmah nalazi pored Hadži Idrizove džamije. Na osnovu uvida u katastarsku dokumentaciju i na internet stranici „katastar.ba“.

Predsjedateljica Ana Babić je upozorila zastupnika Edina Fortu na vrijeme izlaganja.

Zastupnik Edin Forto:

„Molim Vas da mi dozvolite da pročitam jer sam čitao nešto što sam već čitao. Evo onda ću skratiti ovo. Radi se o uzurpaciji oko 17 parking prostora na pomenutoj lokaciji, tražim da Ministarstvo saobraćaja Kantona Sarajevo dostavi informaciju o odluci na osnovu koje je izvršena ova uzurpacija prostora i da nas detaljno informiše o proceduri koja je dovela do ovakve situacije u konkretnom slučaju. Imam pismeno. Također imam jednu inicijativu, za Ministarstvo saobraćaja Kantona Sarajevo. Radi se o stajalištu autobuskom stajalištu i kombi bus stajalištu u Hadži Beširevoj ulici u naselju Bjelave odmah pored studenskih domova. Kao što znate, ovi koji se, ljudi koji se voze u tom pravcu sa jedne strane je uređeno autobusko stajalište, a s druge strane potpuno neuređeno. U blizini je osnovna škola Alija Nametak i veliki broj djece se ukrcava na autobuse, kombije upravo na tom mjestu. Nedavno je tu otvorena i jedna kladionica i veliki broj automobile se parkira tu i dovodi se u pitanje sigurnost djece kao i ostalih putnika. Pa molimo Ministarstvo saobraćaja da nam odgovori na ovu inicijativu“.

Predsjedateljica Babić Ana je dala odgovor:

„Hvala vama što ste nas upozorili na neke stvari. Po Poslovniku, Vi svoju inicijativu morate dostaviti predsjedavajućoj na kabinet i onda to ide resornom Ministarstvu i Vladi, odnosno Vladi i resornom Ministarstvu. Tako da, to je odgovor na vaše pitanje zašto niste dobili odgovor“.

Zastupnik Kojović Predrag:

„Koji ste sada član Poslovnika citirali?“

Predsjedateljica Babić Ana:

„Član 214. stav (1)“.

Zastupnik Kojović Predrag:

„Pročitajte onda i članove koji stoje tu“.

Predsjedateljica Babić Ana:

„Poslaničko/zastupničko pitanje se podnosi predsjedavajućoj Skupštini u pisanoj formi, a on ili ona ga odmah prosljeđuje predsjedniku Vlade ili onome Ministru kome je upućeno.“

Zastupnik Kojović Predrag:

„Znači kada vam, znači pazite ako mi predamo isprintanu inicijativu zajedničkoj službi do kraja sjednice, gospodin Forto je upravo o tome govorio. I druga stvar predsjedavajuća kad smo već kod Poslovnika, vaše obaveze i prije nego krenemo sa inicijativnim pitanjima, upitate da li ima neko od zastupnika koji nije zadovoljan odgovorom na već prethodno postavljene inicijative i pitanja, i onda to vrijeme koje je gospodin Forto koristio da bi podsjetio ponovno na pitanje koje mu gospodin Ministar Lukić ne odgovara 4 mjeseca, ne bi trebalo biti računato u ovo vrijeme za inicijativu. S obzirom da mi prihvatamo malo ležerniji način na koji Vi vodite sjednicu i podržavamo to, mislimo isto tako da i Vi trebate kako bih rekao biti malo fleksibilniji i uzmete još neke elemente u obzir“.

Predsjedateljica Babić Ana:

„Hvala lijepo gospodine Kojoviću. U Poslovniku ne piše to, ja lično nisam nikad dobila inicijativu na stolu. Tako da ako treba ja ću i pitati, a po Poslovniku ne treba da pitam to što ste sad naveli. Hvala Vam lijepo na sugestijama, uvijek sve što nije dobro ja prihvatam i dajem maksimum tolerantnosti svakome. Prelazimo na sljedeću inicijativu a to je gospodin Lakota Rasim. Izvolite.“

Zastupnik Rasim Lakota je postavio jedno zastupničko pitanje:

„Nedavno sam bio blago rečeno iznenađen kada sam od resornog Ministra pravde i uprave kod kojeg se vodi evidencija udruženje građana čuo da u Kantonu Sarajevo imamo preko 2150 registrovanih udruženja građana. Jako me interesuje, da li su sva ta udruženja aktivna, na koji način se vrši uvid nad njihovim rad, ako se vrši i kako se finansiraju. Dodatno me interesuje koliko se sredstava za rad ovih udruženja izdvaja iz kantonalnog budžeta i na koji način se osigurala transparentnost procesa dodjele tih sredstava. Tražim da mi se dostavi predmet izdavanja za ove namjene po Ministarstvima razvrstano prema vrstama registrovanih djelatnosti u iznosu dodijeljenih sredstava. Molim pismeni odgovor Ministarstva pravde i uprave o djelu registracije udruženja, a od Ministarstva finansija o djelu načina dodjele i rasporeda i trošenja sredstava. Moje drugo pitanje. Ovih dana možemo vidjeti da su Vlada Kantona Sarajevo i Vlada Federacije Bosne i Hercegovine veoma opterećena neriješenim problemom legitimiteta, legaliteta i reprezentativnosti sindikalnih organizacija u Kantonu Sarajevu. Problem je tim veći i aktuelniji ako se zna da ovih dana očekujemo stupanje na snagu Općeg kolektivnog ugovora o Federaciji nakon čega treba otpočeti sa usaglašavanjem kolektivnih ugovora, za pojedine oblasti. Ovo je pitanje u Kantonu Sarajevo, a u čitavoj Federaciji bilo jako zapušteno i to je rezultiralo jednim pravnim i stvarnim haosom koji se i dalje produbljuje. Dakle, problem su skupi sudski procesi, a vidimo zadnjih dana i tužbe čak i zbog nepoštivanja hronologije isplate dosuđenih sredstava tužitelja državnih službenika. Tražim da se u ovoj Skupštini od strane resornih ministarstava Vlade Kantona Sarajevo dostavi pregled, registriranih sindikata na nivou Kantona Sarajevo i pregled reprezentativnih sindikata na nivou Kantona Sarajevo i Federacije Bosne i Hercegovine kao i onih čija se reprezentativnost trenutno utvrđuje kao i dostupne informacije u kojoj su fazi sa kojim sindikatima pripreme za pokretanje procesa usaglašavanje kolektivnih ugovora po različitim oblastima kao i u koje proceduru će zastupati Vladu Kantona Sarajevo. Molim pismeni odgovor Ministarstva pravde i uprave i Ministarstvo za rad, socijalnu politiku, raseljene osobe i izbjeglice“.

Zastupnik Zvonko Marić je postavio dva zastupnička pitanja:

„Ja imam dva pitanja, neću trošiti vrijeme predsjedavajuće iz prostog razloga što bi mi trebalo jako puno vremena da ukažem na činjenicu da se ovaj Parlament ne poštuje zato što upravo zbog čega su i kolege govorile, ne daje pitanje, ili daju površna pitanja koja su zaista ponižavanje dostojanstva svakog zastupnika, a takvih pitanja ja mislim da sam apsolutni rekorder koje nisam dobio nikada, ali evo uporan sam ali mislim da bi trebalo ove institucije zbog takvih stvari i ukinuti i poslanička pitanja i inicijative. Moje prvo pitanje odnosi se na sljedeće, vidjeli smo kako je reagirala Vlada na fantomski sindikat osnovnog obrazovanja. Mene interesira da li definitivno samom tom činjenicom prestaje, iako smo ukazivali bezbroj puta na nelegalnog lidera tog sindikata i njegovo djelovanje i taj sindikat, da li prestaje u buduće biti socijalni partner Vladi. Jer vidjeli smo nekoliko istupa i resornog ministra i tako dalje kao da se ništa nije desilo. Dakle, to je ružna poruka kako građanima tako i mislim da je to ružna poruka svim zaposlenicima u prosvjeti, i da li će finansirati i dalje Vlada takav fantomski sindikat. I znamo da je upravo gospodin Sivro pokrenuo svojevremeno onaj štrajk pa je ostavio na cjedilu zaposlenike osnovnog obrazovanja kada je riječ o onim tužbama. Molio bi da mi se odgovori na takvo pitanje jer na neki način, sastajanje sa takvim predstavnikom, znamo da je reprezentativnost vrlo upitna kategorija iz prostog razloga što bi ja sad na temelju toga mogao sakupiti broj kriminalaca zavidan i pojaviti se ovdje i reći ja imam reprezentativna sastav i tako dalje. Prema tome molim vas da se oko toga izjasnite, da znamo da se ne bi bavili više ovim pitanjima. I još jedno pitanje i možda inicijativa, kada je je riječ o saobraćaju. Znamo koliko smo ulagali i posvećeni bili upravo Vrelu Bosne i očekivanja od Vrela Bosne ali danas je to ruglo. Fijakerski saobraćaj je nikakav, prosjaci uznemiravaju

strance, fijakeristi voze prebrzo Alejom, tamo šetaju djeca, ne može se zaista, također meni je direktor osobno rekao da su sašivene odavno te torbe koje se nose u centrima diljem svijeta, ali neki fijakeristi žele, neki ne žele da to nose, međutim Aleja Vrelo Bosne apsolutno nije više atraktivna, čak šta više od neugodnih mirisa zaista je i neprijatno šetati i mislim da nećemo privući bilo kakve turiste a poslat ćemo ružnu sliku u svijet. Dakle, može se puno poraditi na tome. Mislim da je neki su diletanti svojevremeno 62. godine kada dolazi Tito na Stojčevcu asvaltirali te kocke, koje su zaista jedna odlika koja bi trebala da krase zapravo to šetalište, a kasnije drugi diletanti 92. kad je dolazio Slobodan Milošević i tu smo isto tako asvaltirali. Ja bih molio da se to napokon investira i da se vrati stvarni izgled Aleji odnosno da se kocke vrate tamo gdje su i pripadale. Jer probajte na Petrovaradinskoj tvrđavi da uklonite bilo kakvu kocku, ali oni drže do sebe do tradicije i tako dalje, mi očigledno hoćemo da se uruši i taj potencijal što je nedopustivo“.

Zastupnik Mersiha Mehmedagić je obnovila zastupničko pitanje sa prethodne sjednice:

„Na prethodnoj sjednici sam izrazila nezadovoljstvo na odgovor koji mi je dostavilo Ministarstvo za boračka pitanja vezano za pitanje koje konkretne mjere su poduzete da se sistemski riješi pitanje zaposlenosti djece boračke populacija, i nije mi dostavljen podatak odnosno Ministarstvo nije pribavilo podatak koliko uopće te nezaposlene djece u Kantonu Sarajevo ima po općinama, te stoga koristim priliku da zamolim Ministarstvo da što prije pribavi ove podatke i dostavi iste u predviđenom roku“.

Zastupnik Smajić Rasim je postavio jedno zastupničko pitanje:

„Pozdravljam sve prisutne kao i gledaoce pored malih ekrana. Moje zastupničko pitanje bit će upućeno gradonačelniku Grada Sarajeva, gospodinu Ivi Komšiću. Zašto su posljednjih dana ploče s natpisima na ulazu u Gradsku vijećnicu pokrivene zastavom Bosne i Hercegovine i zastavom Europske unije? Naime, u mnogobrojnim tv prijenosima sam primijetio da su ploče sa natpisima na ulazu u Gradsku vijećnicu pokrivene zastavama, preciznije, desna ploča sa natpisom je bila pokrivena zastavom Bosne i Hercegovine, a lijeva ploča sa zastavom Europske unije. Molim odgovor u pisanoj formi“.

Zastupnik Segmedina Srna Bajramović je podnijela jednu zastupničku inicijativu:

„Ja bih danas zamolila cijenjene kolege i kolegice da se izjasnimo o Inicijativi za donošenje odluke o pokretanju postupka skupštinskog nadzora nad zakonitošću rada Uprave policije MUP- a Kantona Sarajevo u predmetu ubistva Dženana Memića koju sam 10. maja dostavila putem skupštinske službe protokola. Moram priznati kako su ovo trenuci u kojima ste svjesni kako je svaka riječ suvišna, uzimajući u obzir povod, sadržaj i namjeru same inicijative. Zbog toga sam i odlučila da danas budem toliko kratka koliko zahtjeva ispunjavanje poslovnih obaveza kada je u pitanju podnošenja inicijative. Sadržaj inicijative je isključivo zakonski definisano mapa puta korištenja skupštinskih mehanizama, nadzora i javnosti predviđena za slučajeve u kojima se pojavi opravdana sumnja ispravnosti postupaka nadležnih organa. Namjera iste je samo i isključivo spoznati istinu šta se desilo te nesretne večeri kada smo izgubili jedan mladi život. Mislim da ne trebam dodatno obrazlagati činjenicu kako smo dužni u okviru svojih nadležnosti iskoristiti sve mehanizme kako bismo osigurali istinu prije svega zbog porodice Memić, ali i istinu o svim postupcima sistema zbog sigurne budućnosti sve naše djece, i želim da se više nikada slična stvar ne ponovi. Žao mi je što smo uopšte došli u poziciju da razmatramo danas jednu ovakvu inicijativu, ali nažalost svjedoci smo da su dešavanja posljednjih više od mjesec dana pokazali da su i institucije svojim smušenim postupcima značajno narušili povjerenje javnosti u njihov rad. Na kraju potpuno je nevažno ko je potpisnik ove inicijative jer je ona danas ovdje izraz isključivo ljudske i moralne

obaveze izolovane od bilo kakve politike. Vjerujem kako svi zastupnici u ovoj sali zajedno sa našom Vladom dijele iste vrijednosti koje stoje u namjeri ove inicijative. Zato vas molim da ona danas usvajanjem postane naša zajednička inicijativa za istinu i pravdu u kojoj ćemo poslati jasnu poruku javnosti, da imamo mehanizme uz koje je sistem sposoban prevazići sve svoje slabosti u cilju otkrivanja apsolutne istine“.

Zastupnik Mario Vukasović je postavio jedno zastupničko pitanje:

„Za danas imam pripremljeno jedno pitanje s obzirom da sam od Ministarstva zdravstva dobio odgovor na postavljeno pitanje ko su članovi Komisije za lijekove Kantona Sarajevo, interesuje me da li neko od članova Komisije ili njegov ili njen supružnik ili neko od bliže familije ujedno i vlasnik apoteke? U koliko se navodi pokažu tačnim, mislim da imamo sukob interesa“.

Predsjedateljica Babić Ana je pozvala zastupnike da se izjasne o Inicijativi koju je podnijela zastupnica Srna Segmedina Bajramović, te je ista podržana sa 23 glasa „ZA“.

Predsjedateljica je pozvala zastupnika Elvedina Okerića da se obrati ispred Komisije za sigurnost po ovom pitanju.

Zastupnik Elvedin Okerić:

„Zbog boljeg informisanja porodice Memić, kao i građana Kantona Sarajevo, vezano za slučaj Dženana Memića, želim da informišem javnost o provedenim aktivnostima. Kada je u pitanju skupštinski nadzor predviđen novim zakonom Ministarstva unutrašnjih poslova, u članovima 60.,61. i 63. komisija za sigurnost skupštine Kantona Sarajevo nadležna za sigurnost donijela je 19.05.2016. godine na 14. sjednici komisija za sigurnost uputstvo o sadržaju i vršenju skupštinskog nadzora nad zakonitošću rada Ministarstva unutrašnjih poslova i Uprave policije. Pored uputstva o nadzoru onako kako je predviđeno Zakonom o unutrašnjim poslovima Sarajevo, komisija će formirati listu eksperata sastavljenu od policijskih i državnih službenika, predstavnika sudske vlasti, Advokatske komore. Istragu po određenim predmetima vrši ad hoc tijelo koji se imenuje sa formirane liste eksperata. Zbog ozbiljnosti pristupa i osjetljivosti ovog posla, te potrebom za davanje profesionalnih mišljenja po određenim predmetima, komisija je dala rok za formiranje liste eksperata do kraja ove sedmice. Nakon demonstracija građana pred zgradom Vlade Kantona Sarajevo koji su održani 17.05.2016. godine, povodom smrti Dženana Memića zaključak komisije za sigurnost koja je zasjeda dva dana, kasnije je bio. Nakon što se formira lista eksperata Komisija za sigurnost Skupštine Kantona Sarajevo u čijem skladu sa svojim nadležnostima provesti procedure i provjeriti zakonitost provedenih mjera Ministarstva unutrašnjih poslova i Tužilaštva Kantona Sarajevo povodom slučaja Dženana Memića. I Komisija za sigurnost ponovno sugerije svim segmentima društva za provedbu zakona u Kantonu Sarajevo da svi svoje kapacitete stave za potrebe građana Kantona Sarajevo, da poduzmu sve aktivnosti što profesionalnijeg izvršavanja zadataka, odgovornosti prema građanima i društvu, te nužno povećanja pravde pravičnosti u svim postupcima koje provode od najnižih do najviših organa vlasti“.

Zastupnik Rasim Lakota:

„Ja bih samo želio da kao član Komisije za sigurnost potvrdim ovo što je gospodin Okerić govorio, naime od samog ovog nemilog događaja Komisija za sigurnost provodi mjere i radnje kako bi sa policijskim komesarom i sa Ministarstvom unutrašnjih poslova ovu priču doveli do kraja. Mi smo jako zainteresirani da se ovo o čemu je danas ova Skupština glasala,

da se ovaj nemili događaj rasvijetli, da se javnost upozna o stvarnim činjenicama, ali isto tako ja bi molio i javnost i sve nas ovdje da ostavimo prostora i Ministarstvu unutrašnjih poslova i kantonalnom Tužiteljstvu da sve ono što je neophodno i nužno da urade kako bi se ovaj slučaj istražio i istina izašla na vidjelo“.

Odgovore na pitanja su dali ministrica zdravstva Zilha Ademaj i premijer Kantona Sarajevo Elmedin Konaković.

Prešlo se na razradu druge tačke dnevnog reda.

AD – 2.

PRIJEDLOG ZAKONA O ZAŠTITI OD BUKE

Predsjedateljica je podsjetila da su zastupnici dobili materijale uz poziv za sjednicu, a amandmane zastupnika Edina Forte u dopunskim materijalima. Ministar Čedomir Lukić je podnio uvodno izlaganje.

Predsjedateljica je potom pozvala zastupnike da pristupe izjašnjavanju po zakonima.

SKUPŠTINA JE SA 25 GLASOVA „ZA“ USVOJILA ZAKON O ZAŠTITI OD BUKE

Prešlo se na razmatranje treće tačke:

AD – 3.

PRIJEDLOG ZAKONA O NAUČNOISTRAŽIVAČKOJ DJELATNOSTI

Predsjedateljica je podsjetila da su zastupnici dobili materijale uz poziv za sjednicu, a amandmane zastupnika Izudina Bajrovića u dopunskim materijalima. Ministar Elvir Kazazović je podnio uvodno izlaganje.

U diskusiji koja je potom uslijedila učestvovali su zastupnici: Mario Vukasović, Segmedina Bajramović Srna, Mirza Čelik.

Ministar Elvir Kazazović se očitovao o podnesenim amandmanima, nakon čega je uslijedila kraća diskusija u kojoj su učestvovali zastupnik Mario Vukasović, pomoćnik ministra obrazovanja, nauke i mladih Sifet Kukuruz, premijer Elmedin Konaković, zastupnik Mirsad Pindžo.

Predsjedateljica je predložila da se pređe na razradu po četvrtoj tački dnevnog reda, kako bi se dalo vremena Vladi Kantona Sarajevo da se očita o podnesenim amandmanima, što su zastupnici i podržali, te se tako prešlo na razmatranje četvrte tačke:

AD – 4.

NACRT ZAKONA O ARHIVSKOJ DJELATNOSTI

Zastupnici su Prijedlog zakona dobili uz poziv za sjednicu.

Ministar kulture i sporta Mirvad Kurić je podnio uvodne napomene.

Nadalje nije bilo prijavljenih za pitanja ili diskusiju, te je predsjedateljica pozvala prisutne na izjašnjavanje.

SKUPŠTINA JE SA 25 GLASOVA „ZA“ DONIJELA SLJEDEĆE ZAKLJUČKE:

1. Utvrđuje se Nacrt zakona o arhivskoj djelatnosti.
2. Javna rasprava održaće se u kantonalnim organima, jedinicama lokalne samouprave, naučnim i stručnim ustanova i trajaće
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo dužna je da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o arhivskoj djelatnosti.

Peta tačka dnevnog reda:

AD – 5.

- a) **PRIJEDLOG ODLUKE O PRIHVATANJU OSTAVKE I RAZRJEŠENJU DUŽNOSTI MINISTRA MINISTARSTVA UNUTRAŠNJIH POSLOVA KANTONA SARAJEVO;**
- b) **PRIJEDLOG ODLUKE O POTVRĐIVANJU IMENOVANJA MINISTRA MINISTARSTVA UNUTRAŠNJIH POSLOVA KANTONA SARAJEVO;**

Zastupnici su dobili Prijedloge odluka dobili u dopunskom materijalu. Kako su smatrali da nije potrebno uvodno izlaganje, a nije bilo postavljenih pitanja ili diskusije, predsjedateljica je pozvala zastupnike da se izjasne.

a)
SKUPŠTINA JE VEĆINOM GLASOVA (22 „ZA“) DONIJELA ODLUKU O PRIHVATANJU OSTAVKE I RAZRJEŠENJU DUŽNOSTI MINISTRA MINISTARSTVA UNUTRAŠNJIH POSLOVA KANTONA SARAJEVO.

b)
SKUPŠTINA VEĆINOM GLASOVA (22 „ZA“) DONIJELA ODLUKU O POTVRĐIVANJU IMENOVANJA VEDRANA MULABDIĆA NA DUŽNOST MINISTRA MINISTARSTVA UNUTRAŠNJIH POSLOVA KANTONA SARAJEVO

Novoimenovani ministar Vedran Mulabdić je potom dao Svečanu izjavu, nakon čega je uslijedilo čestitanje.

Šesta tačka dnevnog reda:

AD – 6.

PRIJEDLOG ODLUKE O IZMJENI ODLUKE O IMENOVANJU NEZAVISNOG ODBORA ZA IZBOR I REVIZIJU POLICIJSKOG KOMESARA

Zastupnik Kemal Ademović je u ime Predlagača, Komisije za izbor i imenovanje, podnio uvodno izlaganje.

U diskusiji je učestvovao zastupnik Zvonko Marić.

SKUPŠTINA JE VEĆINOM GLASOVA (18 „ZA“) DONIJELA ODLUKU O IZMJENI ODLUKE O IMENOVANJU NEZAVISNOG ODBORA ZA IZBOR I REVIZIJU POLICIJSKOG KOMESARA

Sedma tačka dnevnog reda:

AD – 7.

- a) **PRIJEDLOG ODLUKE O RAZRJEŠENJU PREDSJEDNIKA I ČLANOVA NADZORNOG ODBORA KANTONALNE AGENCIJE ZA PRIVATIZACIJU SARAJEVO;**
- b) **PRIJEDLOG ODLUKE O IMENOVANJU PREDSJEDNIKA I ČLANOVA NADZORNOG ODBORA KANTONALNE AGENCIJE ZA PRIVATIZACIJU SARAJEVO;**

Predsjedateljica je predložila, a zastupnici prihvatili, da se provede jedinstvena rasprava po oba prijedloga odluka, a izjašnjavanje pojedinačno.

Zastupnik Kemal Ademović je u ime Predlagača, Komisije za izbor i imenovanje, podnio uvodno izlaganje.

Obzirom da nije bilo prijavljenih za pitanja ili diskusiju, predsjedateljica je pozvala zastupnike na izjašnjavanje.

SKUPŠTINA NIJE DONIJELA ODLUKU O RAZRJEŠENJU PREDSJEDNIKA I ČLANOVA NADZORNOG ODBORA KANTONALNE AGENCIJE ZA PRIVATIZACIJU SARAJEVO. (7 „ZA“ i 15 „SUZDRŽANO“)

Shodno tome nije se izjašnjavalo po drugom prijedlogu odluke.

Tačka osam:

AD – 8.

PRIJEDLOG ODLUKE O IMENOVANJU ZAMJENIKA PRAVOBRANIOCA PRAVOBRANILAŠTVA KANTONA SARAJEVO

Zastupnik Kemal Ademović je u ime Predlagača, Komisije za izbor i imenovanje podnio uvodno izlaganje.

Zastupnici su smatrali da nema potrebe za uvodnim izlaganjem, a nije bilo postavljanja pitanja niti diskusije, te je predsjedateljica pozvala prisutne na izjašnjanje.

SKUPŠTINA JE VEĆINOM GLASOVA (18 „ZA“) DONIJELA ODLUKU O O IMENOVANJU ZAMJENIKA PRAVOBRANIOCA PRAVOBRANILAŠTVA KANTONA SARAJEVO.

Zamjenik pravobranioca Adem Festić je položio Svečanu zakletvu pred zastupnicima Skupštine Kantona Sarajevo, nakon čega je uslijedilo čestitanje novoizabranom zamjeniku pravobranioca.

Na inicijativu predsjednika Kluba SDA predsjedateljica je dala pauzu od sat vremena.

/NASTAVAK NAKON PAUZE/

Nakon pauze predsjedateljica je pozvala premijera Vlade Kantona Sarajevo da obrazloži stavove Vlade po amandmanima na Zakon o naučnoistraživačkoj djelatnosti.

SKUPŠTINA JE VEĆINOM GLASOVA (28 „ZA“) DONIJELA ZAKON O NAUČNO ISTRAŽIVAČKOJ DJELATNOSTI.

Deveta tačka dnevnog reda

AD – 9.

PRIJEDLOZI ODLUKA O POTVRĐIVANJU RAZRJEŠENJA VRŠILACA DUŽNOSTI PREDSJEDNIKA I ČLANOVA SKUPŠTINA KANTONALNIH JAVNIH KOMUNALNIH PREDUZEĆA:

- a) „Park“ d.o.o. Sarajevo;
- b) „Pokop“ d.o.o. Sarajevo;
- c) „Rad“ d.o.o. Sarajevo;
- d) „Sarajevogas“ d.o.o. Sarajevo;
- e) „Toplane - Sarajevo“ d.o.o. Sarajevo;
- f) „Tržnice - pijace“ d.o.o. Sarajevo;
- g) „Vodovod i kanalizacija“ d.o.o. Sarajevo;

Predsjedateljica je predložila a zastupnici podržali većinom glasova da se provede jedinstvena rasprava a izjašnjanje pojedinačno po svim pravnim subjektima.

Prema mišljenju zastupnika nije bilo potrebe za uvodnim izlaganjem, te je predsjedateljica je pozvala prisutne na izjašnjanje.

a)
SKUPŠTINA JE VEĆINOM GLASOVA (21 „ZA“) DONIJELA ODLUKU O POTVRĐIVANJU RAZRJEŠENJA VRŠILACA DUŽNOSTI PREDSJEDNIKA I ČLANOVA SKUPŠTINE KJKP „PARK“ D.O.O. SARAJEVO

b)
SKUPŠTINA JE VEĆINOM GLASOVA (21 „ZA“) DONIJELA ODLUKU O POTVRĐIVANJU RAZRJEŠENJA VRŠILACA DUŽNOSTI PREDSEDNIKA I ČLANOVA SKUPŠTINE KJKP „POKOP" D.O.O. SARAJEVO

c)
SKUPŠTINA JE VEĆINOM GLASOVA (21 „ZA“) DONIJELA ODLUKU O POTVRĐIVANJU RAZRJEŠENJA VRŠILACA DUŽNOSTI PREDSEDNIKA I ČLANOVA SKUPŠTINE KJKP „RAD" D.O.O. SARAJEVO

d)
SKUPŠTINA JE VEĆINOM GLASOVA (21 „ZA“) DONIJELA ODLUKU O POTVRĐIVANJU RAZRJEŠENJA VRŠILACA DUŽNOSTI PREDSEDNIKA I ČLANOVA SKUPŠTINE KJKP „SARAJEVOGAS" D.O.O. SARAJEVO

e)
SKUPŠTINA JE VEĆINOM GLASOVA (21 „ZA“) DONIJELA ODLUKU O POTVRĐIVANJU RAZRJEŠENJA VRŠILACA DUŽNOSTI PREDSEDNIKA I ČLANOVA SKUPŠTINE KJKP „TOPLANE-SARAJEVO" D.O.O. SARAJEVO

f)
SKUPŠTINA JE VEĆINOM GLASOVA (21 „ZA“) DONIJELA ODLUKU O POTVRĐIVANJU RAZRJEŠENJA VRŠILACA DUŽNOSTI PREDSEDNIKA I ČLANOVA SKUPŠTINE KJKP „TRŽNICE PIJACE" D.O.O. SARAJEVO

g)
SKUPŠTINA JE VEĆINOM GLASOVA (21 „ZA“) DONIJELA ODLUKU O POTVRĐIVANJU RAZRJEŠENJA VRŠILACA DUŽNOSTI PREDSEDNIKA I ČLANOVA SKUPŠTINE KJKP „VODOVOD I KANALIZACIJA" D.O.O. SARAJEVO

Deseta tačka dnevnog reda:

AD – 10.

PRIJEDLOZI ODLUKA O POTVRĐIVANJU IMENOVANJA PREDSEDNIKA I ČLANOVA SKUPŠTINA KANTONALNIH JAVNIH KOMUNALNIH PREDUZEĆA:

- a) „Park“ d.o.o. Sarajevo;
- b) „Pokop“ d.o.o. Sarajevo;
- c) „Rad“ d.o.o. Sarajevo;
- d) „Sarajevogas“ d.o.o. Sarajevo;
- e) „Toplane - Sarajevo“ d.o.o. Sarajevo;
- f) „Tržnice - pijace“ d.o.o. Sarajevo;

g) „Vodovod i kanalizacija“ d.o.o. Sarajevo

Predsjedateljica je predložila, a zastupnici podržali većinom glasova da se provede jedinstvena rasprava a izjašnjavanje pojedinačno po svim pravnim subjektima.

Prema mišljenju zastupnika nije bilo potrebe za uvodnim izlaganjem, te je predsjedateljica je pozvala prisutne na izjašnjavanje.

a)

SKUPŠTINA JE VEĆINOM GLASOVA (19 „ZA“) DONIJELA ODLUKU O POTVRĐIVANJU PREDSJEDNIKA I ČLANOVA SKUPŠTINE KJKP „PARK" D.O.O. SARAJEVO

b)

SKUPŠTINA JE VEĆINOM GLASOVA (20 „ZA“) DONIJELA ODLUKU O POTVRĐIVANJU PREDSJEDNIKA I ČLANOVA SKUPŠTINE KJKP „POKOP" D.O.O. SARAJEVO

c)

SKUPŠTINA JE VEĆINOM GLASOVA (20 „ZA“) DONIJELA ODLUKU O POTVRĐIVANJU PREDSJEDNIKA I ČLANOVA SKUPŠTINE KJKP „RAD" D.O.O. SARAJEVO

d)

SKUPŠTINA JE VEĆINOM GLASOVA (20 „ZA“) DONIJELA ODLUKU O POTVRĐIVANJU PREDSJEDNIKA I ČLANOVA SKUPŠTINE KJKP „SARAJEVOGAS" D.O.O. SARAJEVO

e)

SKUPŠTINA JE VEĆINOM GLASOVA (20 „ZA“) DONIJELA ODLUKU O POTVRĐIVANJU PREDSJEDNIKA I ČLANOVA SKUPŠTINE KJKP „TOPLANE-SARAJEVO" D.O.O. SARAJEVO

f)

SKUPŠTINA JE VEĆINOM GLASOVA (20 „ZA“) DONIJELA ODLUKU O POTVRĐIVANJU PREDSJEDNIKA I ČLANOVA SKUPŠTINE KJKP „TRŽNICE PIJACE" D.O.O. SARAJEVO

g)

SKUPŠTINA JE VEĆINOM GLASOVA (20 „ZA“) DONIJELA ODLUKU O POTVRĐIVANJU PREDSJEDNIKA I ČLANOVA SKUPŠTINE KJKP „VODOVOD I KANALIZACIJA" D.O.O. SARAJEVO

Potom se prešlo na razradu 11. tačke dnevnog reda:

AD-11.

PRIJEDLOG ODLUKE O DAVANJU SAGLASNOSTI NA ODLUKU VLADE KANTONA SARAJEVO BROJ: 02-05-15003-9.2/16 OD 11.05.2016. GODINE O KATEGORIJI LICA, USLOVIMA I KRITERIJIMA ZA RJEŠAVANJE STAMBENOG PITANJA PUTEK KUPOVINE STANA POD POVOLJNIJIM USLOVIMA

Zastupnici su Prijedlog odluke dobili uz poziv za sjednicu. Nisu postavili pitanja, a u diskusiji je učestvovao zastupnik Mirsad Pindžo.

Predsjedateljica je pozvala prisutne na izjašnjanje.

SKUPŠTINA JE VEĆINOM GLASOVA (29 „ZA“) DONIJELA ODLUKU O DAVANJU SAGLASNOSTI NA ODLUKU VLADE KANTONA SARAJEVO BROJ: 02-05-15003-9.2/16 OD 11.05.2016. GODINE O KATEGORIJI LICA, USLOVIMA I KRITERIJIMA ZA RJEŠAVANJE STAMBENOG PITANJA PUTEK KUPOVINE STANA POD POVOLJNIJIM USLOVIMA.

Dvanaesta tačka dnevnog reda:

AD - 12.

PRIJEDLOG ODLUKE O ZAŠTITI I POBOLJŠANJU KVALITETA ZRAKA U KANTONU SARAJEVO

Predsjedateljica je konstatovala da su zastupnici dobili materijal za ovu tačku uz poziv za sjednicu, dok su amandmane zastupnika Predraga Kojovića dobili kao dopunski materijal. U ime Predlagača uvodno izlaganje je podnio ministar Čedomir Lukić.

Nije bilo prijavljenih zastupnika za pitanja ili diskusiju. Zastupnik Predrag Kojović je odustao od svojih amandmana, te je predsjedateljica pozvala na izjašnjanje.

SKUPŠTINA JE JEDNOGLASNO (30 „ZA“) DONIJELA ODLUKU O ZAŠTITI I POBOLJŠANJU KVALITETA ZRAKA U KANTONU SARAJEVO.

Trinaesta tačka dnevnog reda:

AD – 13.

PRIJEDLOG ODLUKE O IZMJENAMA I DOPUNI ODLUKE O OBAVEZNOJ PREVENTIVNOJ SISTEMATSKOJ DERATIZACIJI NA PODRUČJU KANTONA SARAJEVO

Nije bilo prijavljenih zastupnika za pitanja ili diskusiju, te je predsjedateljica pozvala na izjašnjanje.

SKUPŠTINA JE JEDNOGLASNO (30 „ZA“) DONIJELA ODLUKU O IZMJENAMA I DOPUNI ODLUKE O OBAVEZNOJ PREVENTIVNOJ SISTEMATSKOJ DERATIZACIJI NA PODRUČJU KANTONA SARAJEVO

Četrnaesta tačka dnevnog reda:

AD – 14.

PRIJEDLOG ODLUKE O DAVANJU SAGLASNOSTI NA POSLOVNIK O RADU NEZAVISNOG ODBORA

Nije bilo prijavljenih zastupnika za pitanja ili diskusiju, te je predsjedateljica pozvala na izjašnjavaње.

SKUPŠTINA JE JEDNOGLASNO (30 „ZA“) DONIJELA ODLUKU O DAVANJU SAGLASNOSTI NA POSLOVNIK O RADU NEZAVISNOG ODBORA

Petnaesta tačka:

AD – 15.

IZVJEŠTAJ O RADU NEZAVISNOG ODBORA ZA IZBOR I REVIZIJU POLICIJSKOG KOMESARA ZA 2015. GODINU.

Predsjedateljica je napomenula da su zastupnici izvještaj dobili uz poziv za sjednicu. Po mišljenju zastupnika nije bilo potrebe za uvodnim izlaganjem, niti je bilo postavljenih pitanja. Učešće u diskusiji uzela je zastupnica Segmedina Srna Bajramović.

Nakon što je predsjedateljica pozvala zastupnike na izjašnjavaње, izražena je sumnja u glasanje i zahtjevano je pojedinačno glasanje, nakon čega je utvrđeno da je:

SKUPŠTINA JE VEĆINOM GLASOVA (21 „ZA“) USVOJILA IZVJEŠTAJ O RADU NEZAVISNOG ODBORA ZA IZBOR I REVIZIJU POLICIJSKOG KOMESARA ZA 2015. GODINU.

Šesnaesta tačka dnevnog reda:

AD – 16.

IZVJEŠTAJ O RADU VLADE KANTONA SARAJEVO ZA PERIOD OD 01.01. DO 31.12.2015. GODINE

Uvodno izlaganje je podnio premijer Vlade Kantona Sarajevo Elmedin Konaković. Nije bilo pitanja, a u diskusiji koja je potom uslijedila, učestvovali su zastupnici: Sejo Bukva, Zvonko Marić, Predrag Kojović.

Premijer Elmedin Konaković je potom dao dodatna pojašnjenja i odgovore na postavljena pitanja zastupnika.

SKUPŠTINA JE VEĆINOM GLASOVA (25 „ZA“) USVOJILA IZVJEŠTAJ O RADU VLADE KANTONA SARAJEVO ZA PERIOD OD 01.01. DO 31.12.2015. GODINE.

Sedamnaesta tačka dnevnog reda:

AD – 17.

IZVJEŠTAJ O RADU PRAVOBRANILAŠTVA KANTONA SARAJEVO ZA 2015.GODINU SA MIŠLJENJEM MINISTARSTVA PRAVDE I UPRAVE NA IZVJEŠTAJ O RADU PRAVOBRANILAŠTVA KANTONA SARAJEVO ZA 2015. GODINU

Zastupnici su konstatovali da im nije potrebno uvodno izlaganje, niti je bilo prijavljenih zastupnika za pitanja.

U diskusiji je učestvovala zastupnica Mersiha Mehmedagić.

Predsjedateljica je pozvala zastupnike da se izjasne.

SKUPŠTINA JE VEĆINOM GLASOVA (29 „ZA“) USVOJILA IZVJEŠTAJ O RADU PRAVOBRANILAŠTVA KANTONA SARAJEVO ZA 2015.GODINU.

Osamnaesta tačka dnevnog reda:

AD – 18.

IZVJEŠTAJ O RADU FONDA KANTONA SARAJEVO ZA STIPENDIRANJE I ŠKOLOVANJE DJECE BORACA, POGINULIH BORACA I POGINULIH CIVILA - ŽRTAVA RATA „IKRE“ SA IZVJEŠTAJEM O FINANSIJSKOM POSLOVANJU ZA 2015. GODINU

Zastupnici su konstatovali da im nije potrebno uvodno izlaganje, niti je bilo prijavljenih zastupnika za pitanja.

U diskusiji je učestvovala zastupnica Neira Avdibegović.

Predsjedateljica je pozvala zastupnike da se izjasne pojedinačno obzirom da je iskazana sumnja u postojanje kvoruma.

SKUPŠTINA NIJE USVOJILA (9 „ZA“) IZVJEŠTAJ O RADU FONDA KANTONA SARAJEVO ZA STIPENDIRANJE I ŠKOLOVANJE DJECE BORACA, POGINULIH BORACA I POGINULIH CIVILA - ŽRTAVA RATA „IKRE“ SA IZVJEŠTAJEM O FINANSIJSKOM POSLOVANJU ZA 2015. GODINU

Devetnaesta tačka dnevnog reda:

AD – 19.

IZVJEŠTAJ O RADU SA FINANSIJSKIM IZVJEŠTAJEM, NA KOJE JE PRETHODNO DATO MIŠLJENJE OVLAŠTENOG REVIZORA, FONDA KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE ZA 2015. GODINU

Zastupnici su smatrali da nema potrebe za uvodnim izlaganjem.

Zastupnik Edin Forto je postavio pitanje na što je ministar Čedomir Lukić dao odgovor.

Nije bilo prijavljenih zastupnika za diskusiju, te je predsjedateljica odmah pozvala zastupnike na izjašnjenje.

SKUPŠTINA NIJE USVOJILA IZVJEŠTAJ O RADU SA FINANSIJSKIM IZVJEŠTAJEM, NA KOJE JE PRETHODNO DATO MIŠLJENJE OVLAŠTENOG REVIZORA, FONDA KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE ZA 2015. GODINU.

Dvadeseta tačka dnevnog reda:

AD – 20.

IZVJEŠTAJ O RADU I FINANSIJSKOM POSLOVANJU, NA KOJE JE PRETHODNO DATO MIŠLJENJE OVLAŠTENOG REVIZORA, KANTONALNOG STAMBENOG FONDA SARAJEVO ZA 2015. GODINU

Ministar Čedomir Lukić je u ime Predlagača povukao Izvještaj.

Dvadesetprva tačka dnevnog reda:

AD – 21.

IZVJEŠTAJ O RADU I FINANSIJSKOM POSLOVANJU KANTONALNE JAVNE USTANOVE ZA ZAŠTIĆENA PRIRODNA PODRUČJA ZA 2015. GODINU SA PRILOZIMA, TE ODLUKOM UPRAVNOG ODBORA O USVAJANJU IZVJEŠTAJA

Nije bilo prijavljenih zastupnika za pitanja, a u diskusiji je učestvovao zastupnik Goran Akšamija.

Obzirom da nije bilo više prijavljenih zastupnika za diskusiju predsjedateljica pozvala prisutne na izjašnjenje.

SKUPŠTINA NIJE USVOJILA (13 „ZA“) IZVJEŠTAJ O RADU KANTONALNE UPRAVE CIVILNE ZAŠTITE ZA 2015.GODINU.

Dvadesetdruga tačka dnevnog reda:

AD – 22.

IZVJEŠTAJI O POSLOVANJU ZA 2015. GODINU (SA IZVJEŠTAJEM O RADU I IZVJEŠTAJEM O FINANSIJSKOM POSLOVANJU ZA 2015. GODINU) SA PRILOZIMA I PRIJEDLOGOM ZAKLJUČKA

- a) **KJU „GERONTOLOŠKI CENTAR“**
- b) **JU TERAPIJSKA ZAJEDNICA - KAMPUS KANTONA SARAJEVO**
- c) **KJU DOM ZA DJECU BEZ RODITELJSKOG STARANJA**
- d) **KJU „DOM ZA SOCIJALNO ZDRAVSTVENO ZBRINJAVANJE OSOBA SA INVALIDITETOM I DRUGIH OSOBA“**
- e) **KJU „PORODIČNO SAVJETOVALIŠTE“**
- f) **JU "KANTONALNI CENTAR ZA SOCIJALNI RAD“**
- g) **KJU „DISCIPLINSKI CENTAR ZA MALOLJETNIKE“**

Zastupnici su jednoglasno podržali prijedlog predsjedateljice da se vodi jedinstvena diskusija o svim izvještajima ustanova iz oblasti socijalne zaštite, a pojedinačno izjašnjava.

U diskusiji je učestvovala zastupnica Mersiha Mehmedagić, Segmedina Srna Bajramović, Čudić Sabina, nakon čega se obratila ministrica Amela Dautbegović.

Kako nije bilo više prijavljenih diskutanata, predsjedateljica je pozvala na pojedinačno izjašnjavaње.

a)
SKUPŠTINA NIJE USVOJILA IZVJEŠTAJ O POSLOVANJU ZA 2015. GODINU KJU „GERONTOLOŠKI CENTAR“ ZA 2015. GODINU (3 „ZA“, 9 „PROTIV“, SUZDRŽANO „19“)

b)
SKUPŠTINA NIJE USVOJILA IZVJEŠTAJ O IZVJEŠTAJU O POSLOVANJU JU TERAPIJSKA ZAJEDNICA - KAMPUS KANTONA SARAJEVO ZA 2015. GODINU
Provedeno je pojedinačno izjašnjavaње na intervenciju zastupnika Mirsada Pindže.
(0 „ZA“, „PROTIV“ 6, „SUZDRŽANO“ 22)

c)
SKUPŠTINA NIJE USVOJILA IZVJEŠTAJ O POSLOVANJU KJU DOM ZA DJECU BEZ RODITELJSKOG STARANJA ZA 2015. GODINU (0 „ZA“, 3 „PROTIV“, 25 SUZDRŽANO)

d)
SKUPŠTINA NIJE USVOJILA IZVJEŠTAJ O POSLOVANJU KJU DOM ZA SOCIJALNO ZDRAVSTVENO ZBRINJAVANJE OSOBA SA INVALIDITETOM I DRUGIH OSOBA ZA 2015. GODINU (0 „ZA“, 3 „PROTIV“, 25 „SUZDRŽANO“)

e)
SKUPŠTINA JE USVOJILA IZVJEŠTAJ O POSLOVANJU KJU PORODIČNO SAVJETOVALIŠTE ZA 2015. GODINU (21 „ZA“, 3 „PROTIV“, 7 „SUZDRŽANO“)

f)
**SKUPŠTINA NIJE USVOJILA IZVJEŠTAJ O POSLOVANJU JU KANTONALNI
CENTAR ZA SOCIJALNI RAD ZA 2015. GODINU
(1 „ZA“, 3 „PROTIV“, 24 „SUZDRŽANO“)**

g)
**SKUPŠTINA JE USVOJILA IZVJEŠTAJ O POSLOVANJU KJU DISCIPLINSKI
CENTAR ZA MALOLJETNIKE ZA 2015. GODINU
(18 „ZA“, 3 „PROTIV“, 8 „SUZDRŽANO“)**

Predsjedateljica je zaključila sjednicu u 16,40 sati.

Zapisnik izradila:
Lejla Kadrić

Po ovlaštenju

SEKRETAR

SKUPŠTINE KANTONA SARAJEVO

Almira Kulovac Šetkić, dipl. pravnik

PREDSJEDATELJICA

SKUPŠTINE KANTONA SARAJEVO

Prof. Ana Babić